

皇明通紀法傳全錄

皇明通紀法傳錄卷二十二

東莞陳建輯 西湖高汝忭叅

高鼎燬 校
高鼎焯

已卯天順三年二月遣使使朝鮮及建州女直先是

朝廷謀開建州酋董山潛結朝鮮命巡撫遼東都御史程信議察之信使自在州知州佟成詐以他事廉其境上得朝鮮授董山爲正憲大夫中樞密使制書還報信具以上聞請乘其未發遣二使急往問之可伐其謀上乃命一給事中往朝鮮一錦衣譯者往建州兩酋初不肯承出制書示之皆驚服各上表貢馬謝罪○樞山

東左布政使陸瑜爲刑部尚書以姚夔爲吏部侍郎李紹爲禮部右侍郎上召李賢諭之曰吏部侍郎乃天下人物權衡非他部比必得其人先生以爲誰可賢曰以在朝觀之無如禮部二人可擇一用之上復問其優劣賢曰鄒幹爲人端謹但規模稍狹姚夔表裏相稱有大臣之量上曰然遂用之命下士類皆悅○禮部郎中李和託一釋子囑權近求爲侍郎士論紛然不平上問賢此人何如賢對曰不知上悟其意復問吏部尚書王翱亦不甚許他日以學士李紹對上復問賢賢對曰此公論也上意遂釋奉天門朝畢召吏部發玉

音除紹爲禮部右侍郎、典諭大樞。○李來寇大同、虜之
寇也。總兵官安陽伯李之遜不敢出虜、直抵鴈門、浙代
殺掠人畜、烽火達于京師。李賢言于上曰：京師宜
出軍于紫荆、倒馬二關駐劄、非欲與之對敵、一則安撫
人民、二則使彼知懼、不敢深入。久停、會兵部奏欲遣將
統京軍赴大同殺賊。上曰：緩不及事、徒勞人馬。駐關
之說可行。於是遣都督顏彪領兵赴紫荆關、馮宗領兵
赴倒馬關。然北虜既有所獲、見我軍不動、去而復來。遂
復勅二關之軍赴鴈門、虜寇退。

令三法司霜降後會官錄囚

石亨罪惡
以此以至
此當將
若名處與
大同則天
下皆共所
然有安
內外相
其勝計
於言况

禁朝臣交通初石彪事發言官密奏明日大班劾之即
有漏泄于彪者上召李賢曰羣臣黨惡如此不可不
戒賢曰誠如明旨乃勅諭百官今後文武大臣無故不
許往來近侍官不許造大臣私宅錦衣衛官亦然於是
朝臣肅然交通之弊始息○冬忠國公石亨謀不軌下
獄或亨貪恣日甚賄賂公行強預朝政易置文武大臣
邊將以張其威子侄廝養勢焰燠灼上干天象慧出星
變日晡數重數月不息常往來大同顧紫荊關謂左右
曰若塞守斯關京城何繇能至識者知其心不願每憚
下謙兼懼正人之多不敢決為天順初自南城迎復之

武官
多出其門
下而享文
譽重矣乎
可爲寒心

功封忠國公。益恃寵，招權納賂，天下都司及守邊將多出其門。是年二月初三日，朝退歸私第，所親盧旺、彥敬、杜清等二十餘人各叩頭起，侍亨曰：「我這職事皆爾之所欲爲者，衆不知所謂。」咸曰：「我等賴老爺擢舉，各衛指揮之職至是足矣。」三公之位，何敢望也。亨曰：「當時趙太祖陳橋之變，史不稱其謀，反爾等若助我至此，我職非爾爲之，而何衆皆股戰？南城有功，替目指揮童先乃手出妖書曰：『唯有石人不動。』蓋天意有在爾等，勉力爲之。」乃謀曰：「大同人馬甲天下，我撫之素厚，今石彪任遊擊將軍，異日以彪代李文，掛鎮朔將軍印，北塞紫荆關東。」

出山東拒臨清、決高郵之堤，以絕餉道，則京城可不戰而疲。遂議以盧旺等守裏河一帶，各議分其地而還。三月，虜寇延綏，命亨征之。童先力勸亨成前謀，亨曰：「爲此事不難，但天下各處都司除代未周，待周爲之不晚也。」童先曰：「時者難得而易失也，恐時一失，不可復得。」亨不聽。童先私罵曰：「這厮不是幹事的！」是時亨侄彪頗驍勇，驟陞都督，性貪暴，粗立邊功，大肆兇惡，誣劾都御史年富數侮其總兵。總兵遂言彪有異志。上因疑彪，欲召彪還。彪因使大同人留已爲總兵，上遂大怒。或又曰：彪結死黨，必欲留處大同爲亨外援。上亦疑出亨意。

尋進彪侯爵召還京侍衛亭知上疑促彪疾馳入京
彪既至會虜人入貢者見彪于朝羅拜稱石王上聞
益疑不可解於是御史大班劾彪即日縛彪棄市藉其
家事連坐石亭上念其功欲寬宥之尋以家人傳說
怨謫有不軌之謀於是逮亨繫獄或獄中法司請瘞其
屍上召賢曰如何賢曰如此行之未爲盡善法司請
執法論罪欲梟首示衆朝廷不從特全其首領尤見
恩義尚存上曰然從之

彪景帝中親立有功天賜初以石亭故累進封侯性
凶暴貪婪已獲細心謀鎮大同遣人保奏朝廷覺
其有異遣人廉察得其
實遂逮繫郡獄論成

致仕工部尚書高穀卒。贈太保。諡文義。

穀廉直不阿。雖亮有守。始以翰林學侍。英宗經筵。入閣輔政。孜孜爲國。特公論。上北狩。力主逆鑾之議。及其駕還。獨建備禮郊迎策。以老病免。歸卒。進退有道。始終不渝。在去大臣之範。

惟其才賢
何以稅爲

庚辰天順四年正月。天下諫司官吏朝覲至京。勅吏部都察院。遇其不職者數百人。旌其才行超卓。政績顯著者。布政司賈銓等十人。賜以鈔幣。仍賜宴于禮部。召布政使蕭暉爲禮部尚書。吏部初奏擬賈銓爲戶部尚書。上問李賢何如。賢以貌不稱名對。乃以銓爲右副都御史。○以巡撫山東副都御史年富爲戶部尚書。時戶部尚書缺。上命李賢擇人。賢以富執法不撓。可居此職。

左右不悅富者甚衆謂賢曰上不喜此人不宜推舉
一日上召賢曰戶部之缺果誰當之恐非年富不可
賢曰此人不悅者衆愈見其難上曰富之執法正宜
居此國計所關豈顧私情不悅者遂召用之

二月令冒報迎駕功陞官者俱自首改正時法司奏石
亨等冒報陞官者俱合查究上召李賢曰此事可否
恐驚動人心賢對曰若查究則不可但此等冒陞職者
自不能安欲自首猶豫未決若朝廷許令自首免罪
事方妥帖上曰然於是冒報陞職者四千餘人盡首
改正或有議欲追其支過俸糧者賢曰不可戶部奏請

不可二字
所金寔多

所石奇事
石又能言
愈奇

皇明治世金鑑卷二十二
得旨乃免。○德秀諸王出閣讀書、上皇嗣六長
皇太子次德王次秀王次崇王次吉王次徽王後秀王
國絕。○會試舉人以學士呂原尚寶少卿兼學士柯潛
爲考試官。取陳選等一百五十人。○陝西慶陽縣隕石
如雨。大者四五斤。小者二三斤。擊死人以數萬計。陝之
人皆竄他所。石又能言。甚可駭聽。

三月廷試。賜王一夔李永通王璟等進士。及第出身有
差。有祁順者。廣東東莞人。遂于學問。廷對當爲第一。以
其姓近。御諱于傳臆。弗便。抑置第二甲第二名。是
科李賢第。李讓不中。有下第舉子奏考官。較文類例。
上問李賢曰。此舉人奏考官弊。何以處之。賢對曰。此
乃私忿。如臣弟讓亦不中。可見其公。上乃命禮部。
此舉子。是讓。且其人在吳。遂命于部前。奉議方息。

召耿九疇爲南京刑部尚書軒輅爲左都御史總理南京糧儲石亨旣死上每念二人爲人廉正不易得故相繼召用焉○上御西苑閱將臣騎射令三營管操侯伯都督都指揮官射以三箭爲率上親按籍記中否賜鈔有差旣而試後爲監勇士亦如之有畏避不趨事者加罪黜自是將士咸驚畏知奮勵云○命右僉都御史韓雍巡撫大同雍在都察院時錦衣指揮劉敬因石亨連坐有謂敬曾邀亨至直房同飯欲坐朋黨雍曰律之本意謂交結朋黨紊亂朝政者今敬與亨交而非亂政況亨得志時誰不蠅聚其門若以一飯卽坐此罪

公平之論

則曾赴宴會者何以罪之衆以爲然敬得從輕坐○禮部左侍郎掌欽天監事湯序有罪下獄降爲太常寺少卿仍掌監事閏十月十六日早見月食欽天監失于推算不行救護上召大學士李賢曰月食人所共見欽天監乃失于推算如此因言湯序掌監事凡有災異必隱蔽不言或見天文有變必曲爲詳說甚至書中所載不祥字語多自改削而進惟遇天文喜事却詳書以進且朝廷正欲知災異以見上天垂戒庶知修省而序乃隱蔽如此豈臣下進忠之道賢曰自古聖明在位畏天變實同聖意序若如此罪可誅也於是下獄降

職○召巡撫南直隸右副都御史崔恭爲吏部右侍郎

恭北直隸廣宗人剛廉有爲嘗知萊州府值歲旱蝗恭親督捕發郡縣倉勸富民粟賑之民賴以全沃屢辨冤獄在萊州六年歲惠大行遷湖廣右布政使巡撫蘇松等處尤有聲遂擢佐吏部

釋徐有貞歸田一日上御文華殿與李賢王翔論人

才高下上曰若徐有貞才學亦難得當時有何大罪

只是張輒石亨輩害之寧免後世議論可令原籍爲民

辛巳天順五年二月錦衣衛指揮所行江西弋陽王敗

倫事涉虛上召李賢曰宗室中豈願有此醜事彼初

咸以爲實今却謂無此事以此觀之其餘所行枉人多

矣賢曰誠如聖諭一日上復說校尉行事亦多枉

此亦有
可取

人且如行臨川王與四尼姑通及鎮撫司門達問之實
無此情又聞行事者法司往往依其所行不敢辨曉如
其枉付之太息惟門達能辨之賢因言往時行事挾讎
害人涉虛者治以重罪上曰若如此又慮其不肯用
心訪察今後但令鎮撫及法司辨其行者虛實

四月上謂李賢曰今府庫錢糧所入者少所出者多
且軍官俸一季關銀十四萬餘兩奈何賢對曰自古國
家惟怕冗食今一衛官有二千餘員者在京軍官有老
弱殘疾者宜令兵部漸調出外却以軍補其闕以省冗
費上曰此時恐難行賢曰宜安靜行之如其無事然

大明一統志
志成

使其不覺可也。上領之賢又言軍官有增無減。且天地間萬物有長必有消。如人只生不歿。無處着矣。自古有軍功者。雖以金書鐵券誓以永存。然子孫不一再轉。犯法卽除其國。或能立功。又與其爵。豈以累犯罪惡而不革其爵者。今若因循久遠。天下官多軍少也。供其俸必致困窮。而本虧矣。不可不深慮也。上曰。此事誠可慮。當徐爲之。○大明一統志成凡九十卷

六月虜酋李來寇邊。西涼州莊浪等處遣懷寧伯孫鏜帥師禦之。兵部尚書馬昂總督軍務。

七月太監曹吉祥及從子昭武伯曹欽作亂。討誅之。欽

在正統景泰間，屢領兵出征，麾下多達官驍勇善戰，結以恩惠，收爲腹心。天順初，呼召此輩迎駕，俱陞大職。石亨事發，冒功者俱革去，此輩又爲吉祥所庇，不動自亨死。上厭其驕恣，稍裁抑之。吉祥不自安，漸起異圖。從子欽冒功封昭武伯，凶暴殺人事覺，爲御史所劾。上原之下詔戒諭，欽益懼，遂與吉祥謀不軌，欲幽上于南宮而立皇太子。時孫鏜馬昂將辭朝出師，吉祥遂令欽約其兄都督鐸從兄都督鐸弟都指揮鉉謀入內爲亂，推其黨之黠者爲謀主，而以其部所典禁兵及其仲父宦者吉祥爲內援，并結蕃將都督伯顏也先等。

數十人以樹黨。是日都指揮完者禿亮詣長安門告變。夜二鼓，宮中聞變，詔侍直中官執吉祥以候天曙。漏下四鼓，舉兵犯闕。合番漢人五百騎直抵東西長安門，雷鼓大振，搥殺錦衣指揮逮杲，擊傷翰林學士李賢之首，而繫之。并執吏部尚書綱于東朝邸，鐸帥數騎而西，殺左都御史深，斫傷廣寧侯安時，禁門未啟。欽督其黨縱火焚東西城皇門及東華門，朝臣悸散，莫知所出。達曉，王師始集，詔會昌侯孫繼宗將之。孫鏜督諸軍先登，恭順侯瑾及諸將臣分道迎擊，昂以精兵殿之。首尾聯絡，旗鼓相望，欽退屯東華門，鏖以衆接戰。王師銳甚，賊衆披

興璉之變
奸孫鑑之
討賊功
可紀
甚哉吉祥
之應也兵
衆不滿千
人而欲進
迎其首
游者載
假令門
飲軍得入
事起倉卒
吉祥又爲
之內應亦
可寒心者

靡自辰至午敗績斬之欽中流矢創甚振策以馳璉
將五六騎出覘卒與欽遇衆寡不敵力戰歿之還駐東
大市街相拒至酉欽以百餘騎往來馳突者三王師環
結不動自相枕籍鐘令執潰者斬以徇督戰益急發神
臂弓射之追斬欽欽益懼使百餘騎還攻朝陽門不克
諸軍進薄其衆大破之鐸爲亂兵所殺欽入其家溺背
井中其黨伯顏也先等縋城以遁遣兵追之皆被獲是
晚乘輿出御午門朝百官詔下吉祥及伯顏也先等
于御史獄皆伏誅仍以鐸棄市而磔欽屍籍其家以賚
將士餘黨並落官職派嶺南旌戍節功追封瑾梁國公

賀三老明
非保身

忠莊贈深少保，謚忠愍，論功行賞，加繼宗太保、安太子少傅、賢翽並以本官兼太子少保，鏐封懷寧侯而進完者禿剌為都督，餘將士加官進爵有差，明日下詔暴欽罪于中外。

京師有賀三老，曾欽妻父也。先是見欽聲勢日盛，絕不與往來。欽嘗欲為求一官力辭。及欽謀反，此姻親誅竄殆盡，三老獲免。

起前都御史王竑，參贊甘肅軍務。時西師未解而京師有變，大軍未可輕出。李賢請起用竑，俾與兵部侍郎白圭分道督兵禦虜。竑等至邊虜引退。○以大理寺卿李賓為右都御史。時寇深被害，舉代者李賢首薦。南京刑

馬昂相貌
有福如昔
人所謂福
將云

部尚書蕭維禎。上曰：此人曾在吉祥處通情，吉祥力薦之，非端士也。乃用賓。○以擒逆賊，詔告天下，布寬恤，開言路。天順初，自御史張鵬、楊瑄之獄，言路閉塞，權姦得肆行無忌，相繼反逆。故降此詔，言路始開。○賜兵部尚書馬昂玉帶及緇金麒麟服。昂初附曹吉祥，嘗薦曹欽得管大營禁兵。至是以誅欽有功，因得掩其薦欽之罪。上自是寵待特厚，賜資無虛日。永有號撒哈刺，雖諸勲戚不可得者，皆得以賜。○懷寧伯孫鏜與兵部尚書馬昂出禦虜，將出師。先一日夜初，指揮馬亮走告鏜，曹欽反謀，先殺鏜及昂，奪其軍，攻皇城。鏜披衣起，急草

奏呼長安左門闢人曰與爾奏疾造上前告急變稽
遲軍法且斬又走右門亦如之內庭始得集兵縛吉祥
鏜微服至太平侯張瑾家議討賊賊已呼噪四出劫殺
文武大臣上出密帟隙中令百戶至瑾家問鏜云何
能報鏜誓殺此賊上喜手勅鏜父子爲朕用心滅賊
賊攻長安右門不得入走攻左門又不得入欽兄弟率
胡兵直趨東安門發火力攻上又勅鏜賊犯關急努
力殺賊鏜子輔軌追至東門大戰軌奮力入陣砍欽兩
臂傷賊并力圍軌攢槍殺軌鏜急調神砲與諸營兵夾
攻欽傷遁歸家投井中擒其黨伏誅進封侯成化七年

卒贈涑國公謚武敏。○擢吏部郎中萬祺爲太常寺卿，尋加工部尚書。萬祺，南昌人，少爲吏胥，知祿命及寓京師辦事，吏部諸曹郎聞其知命，每召祺布算，時有驗者，久之名益著。景皇帝在位，聞祺名，召入宮中布算，多不驗，然亦蒙白金文綺之賜。久之，上不豫，儲位未定，朝議紛沓，總兵石亨召問祺，祺曰：「皇帝在南宮，更復何求？」於是亨等定計奪門迎英廟，復辟，亨自挾功高，日侍上左右，所言皆聽。一日偶及萬祺，皇帝在南宮之語，上喜，擢祺吏部主事，進郎中，會曹欽反，執內閣李賢，加刃其頸，將殺之，忽祺至，欽素聞祺知命，乃曰：「爾爲

言俱就致
署理

我布算後事當如何祺答曰將軍有大功于國今若能
釋兵聽命則勲名令終無可虞者欽喜又謂祺曰李賢
害我一家此應殺否祺曰是在將軍祺何敢言然將軍
尊翁碑記非李宰相筆邪若念尊翁則宥賢一命亦孝
德也欽兄鐸贊曰萬君言是於是欽乃舍李賢得不殺
及欽等就擒賢負傷見上且泣且謝曰微萬祺言幾
無性命見陛下上問故具述所以上愈喜祺擢爲
太常寺卿屢遷至工部尚書加保傅

高汝欽曰祺爲景皇帝布算不驗則其術未必神
至皇帝在南宮此語人人能道不必祺惟夫危急之
間以一言冷背暖之心而脫李賢于刀口下賢德之
爲言于其南遷欽不次之擢要之所言中理蓋其
皇朝去事錄卷二十一 靖康事

果與臨庸
劉崇時為
中書獨請
往迎高祖
壯其志氣
所與金帛
以圖之也

人機智且頗有學者致身入座有以也世
言萬機以謀謀食致位尚書丞未嘗考耳

上與李賢從容論人才及工部尚書劉崇賢曰此人可

取如曹賊反時文職皆畏縮逃避况兵非已任誰肯出

頭惟陳自奮披甲躍馬呼于市曰好漢皆來從我曹家

是亂臣賊子共當勦殺我輩是忠臣義士不可退避於

是從者數千百人能于陣前鼓舞獎勵士卒滅賊成功

如此有心行事人豈能及上曰固忠臣也○甘肅總

兵宣城伯衛涇破虜兵于涼州都督毛忠為虜所圍涇

提兵往救全師而還○冬虜酋阿羅出渡河入套寇延

綏河套通遼三面阻黃河土肥饒可耕桑切近陝西榆

河套即周
之西方
所來匈奴
河套地廣

虜人河套之好

三長鄉縣
逆物物所
探以爲國
者也

唐三受降
城在河套
北黃河上
外元東勝
州在受降
城之東

林堡東至山東偏頭關至寧夏鎮東西幾二千里南至邊城北至黃河遠者八九百里近者二三百里國初虜遁河外居漠北延綏無事正統以來漸失其險虜始渡河來犯近邊鎮守都督王禰始築榆林堡城設法禦之築瞭望墩臺創緣邊一帶管堡累增至二十四所歲調延安綏德慶陽三衛官軍分戍而河南陝西客兵助之列管積糧以遏寇路景泰初虜犯延綏不敢深入天順初阿羅出掠我邊人以爲鄉導遂入居其中以伺機便遂爲邊境剝膚之害

十一月二十日早上召李賢至文華殿因說吉祥事

曰此輩放縱前日見吉祥敗稍收斂近來又放縱因每
戒曰汝等不可如此且如吉祥非無功勞一旦犯法不
可留矣朕在南城時汝輩知如何過來今不可忘了朕
今在位五年未嘗一旦怠于南城時此等言語常時告
戒先生豈知賢曰古昔聖賢之君正是如此安樂不怠
患難之時又以此戒左右之人最善上言朕一日之
間五鼓初起拜天雖或足疾不能起亦跪拜之拜畢司
禮監奉本一一自看朝廟行拜禮各廟皆然出則視朝
退朝 母后畢復親政務既罷進膳飲食隨分未嘗揀
擇去取衣服亦隨宜雖着布衣人不以爲非天子也賢

曰。如此節儉。益見盛德。若朝廷節儉。天下自然富庶。前
代如漢文帝。唐太宗。宋仁宗。皆能節儉。當時海內富庶。
爲耳目玩好。不必留意。上曰。如鐘鼓司。承應無事。亦
不觀聽。惟時節奏。母后方用。此輩承應一日。閑則看
書。或觀射。賢曰。前聖經書。惟書是帝王治天下之大法。
最宜熟看。上曰。書經四書。朕已讀過。賢曰。此時正好
玩味。況聖賢聽悟。一見便曉。最有益也。上曰。二典三
謨。真是嘉言。賢曰。誠如聖諭。聖王修身齊家。敬天勤
民。用人爲政之事。皆在其中。貴身體而行之。上曰。然
朕在正統年間。留心讀書。惟不好寫字。賢曰。帝王之學。

不在寫字。惟講明經書義理。最是緊要。因說景太全。然
不理政務。或用人陞官。明日謝恩。不知所以。文武大臣
未嘗接言。上下之情。如何得通。賢曰。明君未嘗不與大
臣相接。商確治天下之道。所謂拔賢士大夫之時多。親
宦官官妾之時少也。上曰。如此。天下豈不治安。賢曰。
近聞外議有三事不便。上曰。何事。賢曰。松潘羌氏叛
亂。已勅四川三司調兵勦殺。然三司官統兵。頗頗難以
成功。須得朝廷命一將官統之。庶得成功。易曰。長子帥
師。弟子與尸。不可不慮。上曰。此處極是。聞都督許貴
可用。遂取而用之。賢曰。湖廣總兵兼統貴州凡百軍務。

貴州將官不得專擅行必遣人往湖廣計設山路險遠往來遲滯以致事多耽悞未便上曰如此事情誠非穩便卽日召兵部易之令各鎮守地方賢曰臣聞陛下夏不揮扇冬不近爐果然否上曰實然夏不揮扇在官內亦不令左右揮扇冬雖極寒亦不近火亦不披煖耳稍閉雙目卽然賢曰陛下聖質所稟堅厚如此蓋由體備中和之氣聞宋仁宗亦然臣等受氣薄者不用扇不近爐不能過也上顧謂賢曰今六部尚書庶皆得人但慮吏部王翱老矣時翱年七十八歲賢曰臣聞祿命之說翱壽最高尚有十年上喜曰如此無慮

矣如戶部年富不易得賢曰若繼翺吏部非此人不可
上曰然朕意亦如此惟禮部石琚稍弱賢曰此人居是
位不滿人望早晚宜致仕上曰且留之恐後來者未
必過之刑部陸瑜甚佳都御史李賓亦可如工部趙榮
亦能辦事賢曰此人可取上曰若吏部侍郎姚夔崔恭
亦佳賢曰二人才器異日皆尚書之選上曰然○南
京兵部尚書李賓奉勅賑濟南京流民衆議欲令官
員軍民子弟納米送監讀書禮部尚書姚夔奏言國子
監乃育才之地朝廷養賢以致治今行此將使天下以
貨爲賢士風日趨下陋尚望有資于治哉宜別爲處置

祖宗朝有
此以校科
目所遺不
使卒老廢
下耳今日
需次就將
未免虛費
以至消耗
良可慨嘆

上從禮部議遂下 詔令禮部出 諭天下生員四十

以上者考選送國子監先是宣德中令生員年四十五
以上者考選送監以後間一行焉

壬午天順六年三月陝西管糧通政司叅議尹旻奏賊
退河開軍馬衆大人民供輸困極請乞罷兵而議者懼
有後警難之李賢上言兵出在外可暫不可久暫則爲
壯久則爲老且達賊在邊安能保其不來侵犯若慮其
復來不可退兵更無休息之時今陝西人民疲困已極
若不趁河開之時暫退軍馬寬其供給人民愈加逃竄
糧草既缺大軍亦難駐札况今年不可耕種明年愈乏

聖像土泥
 耳垂與聖
 賢相太祖
 于大學既
 易以木主
 與此安得
 復仍前與
 嘉靖中詔
 天下文廟
 監撤塑像
 易以木主
 前弊盡革

糧草寧可暫去暫來不可久留在彼庶使民得乘時耕
 種日後或再用兵不致悞事此時莫若令彼處官軍且
 耕且守召去軍馬俱令回還只留文武官各一員提督
 彼處城堡軍馬庶為允當上命廷議從之○調知鎮
 江府林鶚知蘇州府時蘇學廟像歲久多剝落請易以
 木主并從祀諸賢皆易上從之
 四月奉天門奏事畢靜鞭罷上起身召禮部尚書石
 瑁等疾出班趨走欲上右階鴻臚寺呼止方轉回御道
 跪承旨授勅書選妃事上下金臺即召賢曰石瑁
 勤止粗疎失措如此如何為禮部尚書不自求退朝廷

難于遣逐賢曰誠如 聖諭令其自退庶全大臣之義
上曰若戶部侍郎張濬可以代之賢曰張濬老成人此
職亦宜賢卽報瑁取乞致仕瑁速上陳 上見瑁疏意
却不忍曰瑁爲人篤實豈可因此小失而退命太監牛
玉勅吏部尚書王卯與賢議賢等言石瑁一淳誠人但
動作遲鈍耳旣留之張濬可不動 上從之

八月內閣學士呂原以憂制去位未幾卒贈禮部侍郎
謚文懿

原秀水人曹石用事原與岳王列其罪狀 上留中
不發曹石恐流言謂內閣訕上上大怒坐便殿召近
臣屬聲曰岳正大膽因取爾原素謹厚左右訕之何
也所以正去而原留在閣 六年端謹不苟取予性

倫約分祿賜貧宗人，編為長者云、

此為侍從
三十年家
十六年
三孤位一
神神八表
可謂五福
德備

九月四日 皇太后孫氏崩，尊諡曰孝恭章皇后。○少傅吏部尚書致仕王直卒，年八十四，贈太保，諡文端。○以項忠為右副都御史，巡撫陝西。先是，忠為陝西按察使，適陝饑，忠以拯民為已任，不待奏報，輒發倉賑之，民感其惠，聞繼母喪，軍民詣闕乞留，詔奪服返任。明年徵為大理卿，陝人復赴闕借留。時天子欲慰陝人，乃有是命。軍民喜，忠復來爭焚香迎迓，歡聲如雷，其得民如此。

正統末，項穀妻以刑部員外，扈從北征，土木之敗，為虜。所繫北去，令忠伺馬，謀歸之。忠伺更候二良馬，

而雨。越四日，馬疲，遂弃馬，步奔間道。攀崖涉澗，凡七晝夜，達宣府，覩其足陷蒺藜刺者百數。然考李文達及屬尚書盧當時亦以部屬扈從，溺歿而還，忠嘉興人。

癸未天順七年正月，以詹事陳文爲禮部右侍郎兼翰林學士，入內閣預機務。文江西廬陵人。

二月，會試場屋火，舉子焚歿者數十人。○是月晦，夜空中有聲。李賢密疏曰：傳言無形有聲，謂之鼓妖。上不恤民，則有此異。惟陛下憫念元元，凡一切不便于民者，悉皆停罷，則災變可弭。上覽之，復命賢上寬恤事條。密封以來，賢因疏十事上陳。上皆從之。卽詔行天下。賢又請罷江南所造段疋及磁器、清錦、衣衛所監罪人。

賢可謂
事納福

上不從執
弄數四非
缺意滑耳
者不能

岳正之言
良是

止各邊守臣進貢及止下耆所遣使臣停中外買辦採
辦。上不從。賢執之數四。上不從。只取前十條行之。
左右見賢力爭皆寒慄同列亦為賢懼賢曰古之大臣
知無不言。今雖不能盡然至于利害繫國家安危者豈
可默默以苟祿位然。上知賢之深終不以為忤也。

昔岳正正在內閣嘗言吉祥石亨罪惡二人譖之被
黜有士人告之曰先生犯孔子戒矣問之云何則曰
未信而譖是也。正曰臣被簡用置左右責任較誠其
至敢不盡心若子以譖官處我則恐未然。夫天心之
論造膝之謀不出表暴而天下陰受其賜此內閣之
所以異于諫官也若先朝委任楊李真可為萬世
法。

權吏部左侍郎姚夔為吏部尚書○權通政司叅議尹

之廟
孝
恭
讓
章
皇
后
孝
恭
皇
太
后
既
崩
錢
皇
后
為
上
言

上下從事
上定可謂
隆禮

聖后

吳為吏部右侍郎○追謚宣德廢后靜慈先師胡氏為
恭讓章皇后○孝恭皇太后既崩○錢皇后為上言
胡后賢而無罪宜復其后號○上欲從之召李賢問之
賢對曰陛下此一念天地鬼神亦臨之然臣之愚必
須以陵寢享殿神主皆如舉先殿之式庶幾稱陛下
之明孝不然為虛文上即命舉行之

錢皇后素性孝謹○絕無妒忌○英宗北狩○每夜哀慟
拜天○墜則臥地○因損一肢○哭泣太多○復損一臂○頗官
中之所有作迎駕之費○英廟在南城不自得○后每慰之○復辟之後處景皇后猶盡禮焉

八月禮部奏補試天下舉人○命太常少卿兼學士彭時
同侍讀學士錢溥為考試官○取吳鉞等二百五十人○

致仕少傅、禮部尚書、胡濙卒，年八十九，贈太保，謚忠安。

濙，華亭人。自奉清約，居官儉，值立朝幾六十年，爲尚書三十餘年，恩榮始終，世莫與比。

下錦衣衛指揮僉事袁彬獄，尋釋之。調南京錦衣衛時，都指揮門達有寵，總督官校緝事，并鎮撫問罪，權傾中外。橫恣羅織人，莫敢言。惡袁彬質直不阿，自計得以進言，別是非于御前者，惟李賢與彬二人而已。謀排去之，乃使羅卒搢撫彬私數十事上之。上時意在行法，謂于貴近無所撓，則法立而人知憚。因付彬聽門達訊治。諭之曰：「只要一箇活。」袁彬還，我達得彬將甘心焉。彬入其手，十有九死矣。先是土木之變，鑾輿北狩，陷處。

良彬與黃
廟可謂忠
節局旋

陳區何人
乎抱此義
氣千古奇
人

庭。厄從臣工。或歿。或徙。無一人與。上俱獨袁彬。以旗
校侍左右。絕塞苦寒。畢嘗茹苦扶持。調護益殫心力。
上歸自虜。踰六載。復辟。擢彬錦衣衛指揮同知。彬自待
甚醞謹。會曹石挾奪門功。妄奸政柄。虐饒如焚彬。獨斤
斤繩尺。無所干預。識者謂其有丙吉之風。一旦爲門達
見構。舉朝無不憐彬也者。然莫敢訟言其冤。獨彩漆軍
匠楊塤者憤然不平。曰。人臣從龍。自古有之。然未聞勞
苦功高。如彬也者。跡其行事。庶幾介推之割肱。但欠樸
紹之澣血。幸而北轅南歸。重正大寶。雖剖符錫壤。不爲
賞溢。乃今宮不過指揮。猶然被陪護口。行且加法。豈非

千古極寬。萬人隱痛者。哉。適上疏論救。言昔者繫留虜
庭。獨彬以一校尉。保聖躬。備嘗艱苦。今卒然付獄。乞
御前審錄。雖死無憾。并條陳達不法事十餘款。擊登聞
鼓以聞。上下其章。仍將埧并付達達治達得。上旨。
不勝攘臂。將移其甘心于彬者。甘心于埧也。時達懷內
閣李賢。曾發其奸。欲中之。無絲。適埧赴達。所得訊。陰自
計曰。門指揮含怒待我。非口舌所能解。若與辨雪。恐拷
掠之下。立登鬼錄。無補袁彬一毫。徒自斃耳。因而陽誣
李賢以相達。而求自逭。其必為彬地。比當訊達。備陳刑
具。以脅埧。埧神色不變。佯若無所與者。達歷詢其事。皆

達陰為壘
所掩弄而
不知也

果墮其計

曰不知且詭言曰壘一匠人耳賤工不識字書何敢指
斥君且與君素無怨何得有此望君屏去左右達信其
實從之因告曰此內閣李相公與君不善因為此奏使
壘進之瑄實不知所言者何達聞甚喜方飯至即以酒
肉賞之遂欲摘壘口語具奏謂可中傷李賢耳壘又詒
之曰若大將軍自具奏恐朝臣不察且謂大將軍誣李
莫若引壘赴法司大將軍與諸大臣會訊使壘得具悉
李相公喉使狀則李無容身之地而壘被誘之憤雪且
藉此報大將軍不殺之恩豈非得計達信之遂具疏請
將彬及壘付同朝臣會訊上如奏及訊達首問曰李

石亨欲陷
有貞得馬
士權不屈
而免今門
達欲陷李
賢以楊瑄
不伯而兄
吾于二義
上下無成
嘆云○頃
史士從同
義而實寔
通之

賢教汝上書有之乎。頃齧指誓天曰：頃，小人也。第念袁彬爲國忠臣，無辜被譴，將入不測。故出萬死圖伸孤忠。扶公道與李相公何與？爾以酒肉賜賄，使賄言如此。皇天后土，肯容賄誣善人以自活邪？達叱之曰：惡畜，胡反覆甚？頃曰：非敢反覆，前日所以言李相公者，恐不如是。將灰錦衣，挺刃下故權詞，自脫。今多官羅列，耳目分明。頃吐詞既畢，誰能變黑爲白？傾陷善類，頃今日得灰所矣。遂出短刀，將自刎。左右力救之，得無害。一時會訊諸公咸吐舌曰：楊頃丈夫也。天不可欺，匹夫不可奪志。同聲贊之。達氣沮，袁彬之獄遂從輕典。頃亦不及于難。彬

復職

高汝棧曰若嶺者匪勿使氣兒節可貨是神乃其借李以結達而自服虎口全袁彬虞變之機不高人欺等者矣

王越後繼制三邊與海款十勝多捷

祖宗留心用人如此

巡撫大同僉都御史韓雍還京議事留為兵部右侍郎擢山東按察使王越為右副都御史巡撫大同越大名潞縣人時吏部舉可為巡撫者上以其人貌陋諭李賢曰大同巡撫須得如韓雍人品方稱賢以越對及越至陛見上復諭賢曰王越是爽利武職打扮遂用之○李賢為門達所誣既白上疏乞休且以知足不辱知止不殆為言上不允曰此細故無用介意

自太祖以
來皆續妃
列於此獨
李之累朝
選為定例
可見英廟
之仁聖

甲申天順八年正月 上不豫既而大漸乃處分後事
命太監牛玉執筆口占使書其一 東宮卽位百日成
婚其二定后妃名分其三命勿以嬪御殉葬其四言殯
殯器服書畢命牛玉曰將去閣下看令爲朕潤色玉至
閣李賢陳文彭時勢怡捧誦歎曰所言關大體非上
英明不能及此而止殉一事尤高出古今真盛德事也
是月十七 上崩 上天資英明冲年嗣位孝敬重聞
信任舊臣留心學問不喜玩好既親政崇儉卹民風夜
孜孜蠲租省役每勤詔諭禮祀群神加俸百官務擇人
久任尤憺憺于民間之利病迺正統初年與天順中行

事大相徑庭。蓋初以幼冲嗣位。生長深宮。未諳世故。王
振得以擅權。悞國。天下幾危。及北狩而艱難險阻。備嘗
之矣。人之情。僞悉知之矣。復登大寶。躬親政務。屏遠機
奸。精明之治。光于祖考。至悼念建文友愛。景帝處
汪妃有禮。止嬪御殉葬。尤爲盛德事云。○二十二日。
皇太子卽位。詔改明年元爲成化。大赦天下。○尊聖
母皇后錢氏爲慈懿皇太后。生母貴妃周氏爲皇太
后。先是。大行旣崩。上在東宮。卽命太監劉永成。夏
時傳恭。曾昌侯。孫繼宗。懷宗侯孫鏗。尚書王翱。年富馬
昂。內閣學士李賢。陳文彭。時會議事官。計議處置軍國

此等大事
關係綱常
宮闈之中
既不論大
體內監之
輩惟知從
諛非大臣
力爲主持
與爲萬古
缺陷之事

重事、遵累朝例也。上卽位之明日卽命議上兩宮
徽號。夏時倡言：錢太后久病，今只尊所生母。周娘
娘爲太后。李賢曰：天子新卽位，四海顚望，宜遵遺詔。
庶幾順天理，服人心。景泰初事，例不可法。彭時曰：此言
是也。朝廷所以服天下，只要正綱常。今若只尊所生，
恐損聖德。夏時曰：待請命。少頃出傳仁壽宮旨曰：子
爲皇帝母，當爲太后。豈有無子而稱太后者？宣德
自有例。彭時曰：今日事與宣德年間不同。胡后曾上
表辭位，退居別宮。故正統初，不知尊號。今日名分固在，
豈得不尊？臣子若阿諛順從，是萬世罪人也。所以不敢

此一事
八相
無有史

爲極言者爲欲全。皇上聖德非有他意。若推大孝之心。則兩宮同尊爲宜。衆皆然之。夏時再入請命。良久出曰得。上再三勸諭已蒙俞允矣。將草詔。李賢彭時復議曰。同尊固好。然須要照上聖例加二字。不然無分別。乃于錢太后加慈懿之稱。貴妃止稱皇太后。翌日頒詔天下。是日同議者懼忤內旨。有後患。皆隱默不言。惟李賢開端而彭時極力繼後。賴上孝事兩宮如一故。委曲勸諭。仁壽官以成大禮焉。○下侍讀學士錢溥。獄謫廣東順德知縣。出兵部侍郎韓雍爲浙江叅政。溥正統中進士。太監王振試著蔽露詩。特授檢討。教內

侍書所教內侍後多顯者。溥居與陳文隣，內侍每來謁溥，必邀文共飲。及英廟大漸，太監王倫者嘗受業尋伴讀。東官至是來謁溥，文意必召已，竟不召，乃入密伺之。倫言上不豫，東官納妃如何。溥言當以遺詔行事，已而內閣草遺詔，李賢當秉筆，文起奪其筆曰：「無庸，已有草之者矣。」遂言溥倫定計將退賢，以溥代之。退兵部尚書馬昂，以韓雍代之。賢怒以聞，乃下溥獄，謫外韓雍亦貶。

二月上，大行皇帝尊諡曰法天行道仁明誠敬昭文憲武至德廣孝睿皇帝，廟號英宗。○葬裕陵。○錦

衣衛都指揮門達有罪下獄謫戍南丹衛召袁彬復還舊職先是達掌詔獄任情張威大興羅織遣官校遍行郡縣緝訪事情所至狼籍至是言官劾達欺罔故殺諸大臣數十謫戍煙瘴達卒以請所彬復職餞送達出城如禮不念舊惡時以爲難

三月復前修撰岳正御史楊瑄張鵬等官○加李賢少保兼華蓋殿大學士陳文進吏部左侍郎彭時吏部右侍郎仍兼翰林學士○廷試進士賜彭教陸鉞羅璟等及第出身有差○甘肅總兵官宣城侯衛輝巡撫僉都御史失琫率師討西番破之先是西寧番酋把沙作亂

命涇等討之涇與琛將中軍督甘涼蘭鞏山丹莊浪等
衛所官軍三萬五千人分五路以進追至駱駝山寫爾
沖殺唐川俘斬共千七百餘人獲牛馬羊二萬有奇○
翰林編修張元祿上疏勸行三年喪不報南京吏部侍
郎章綸亦請終喪不得遽講婚禮亦不報

五月五日大風雹飄瓦板木壞郊壇○戶部尚書年富
卒謚恭定

富厚陽城遠人爲人剛正言不輕發廉靜寡慾遇
事敢爲臨付寄不少變氣節未識爲時推重云

時內臣用事勢甚張在朝無敢公言者南京給事中王
淵王徽以氣節相尚率同官上言五事其一日保年內

郭登不第
善武而且
能講性亦
仁孝
女清隱內
關駱中隆
結教亦異
事

臣宜遵舊制無預國政否則如王振曹吉祥始雖愛之
及其敗而罪之非保全之道也請罷其管事仍禁大臣
與之交結上嘉納之○改兵部尚書馬昂為戶部尚
書時言者交章論昂不職乃改戶部○復定襄伯郭登
爵鎮守甘肅尋召還提督十二團營

六月禮部左侍郎兼翰林學士致仕薛瑄卒贈禮部尚
書謚文清

瑄出處光明峻潔于富貴利達泊如也教人惓惓於
復性嘗曰讀書窮理須實見得然後發于身心體而
行之不然無異于買精而還珠也所著讀書錄二十卷多名言

七月立皇后吳氏

八月 上御經筵賜講官學士柯潛等白金文綺寶鈿

十月癸 皇后吳氏立 皇后王氏下詔言 先帝臨

御之日為朕簡求賢淑已定王氏育于別官以待期不

意內臣牛玉備徇已私朦朧奏請將已退吳氏冊立德

不稱位不得已請命 母后廢黜吳氏仍遵 先帝成

命冊立王氏為 皇后明正牛玉之罪免罪謫南京○

逮南京六科給事中王徽王淵等下詔獄俱謫遠州判

官時徵淵等以牛玉罪重罰輕上疏請明刑罰以正朝

綱監往事以防後患數王大不遵之罪四乞寘于法因

詆斥執政奏入中官惡之摘其語以激怒于 上皆逮

是時前局何以不救也曰此等之變皆以微累可見若成安事自有法不

忠臣留心

忠臣留心
屯種無如

文莊

李文達彭
文憲書圖

下獄科道交章論救命俱謫州判官徽晉安州期茂川
 餘皆遠州徽等雖謫天下之士莫不慕其風采而欽重
 之○調僉都御史葉盛巡撫宣府時盛以右僉都御史
 巡撫兩廣議事至京給事中張寧等合議舉盛堪入內
 閣李賢素不悅盛沮之乃轉左僉都御史巡撫宣府盛
 至鎮修復官牛官用之法墾田益廣積糧益多以其餘
 歲易補戰馬千八百餘匹其屯堡廢缺者力修築之不
 數月完七百餘所○華太平侯張瑾與濟伯楊宗等爵
 時有內直將軍恕天順初因入直迎駕而陞非冒功
 者令一切視職非法意上念其久于役特復之而以

叙武職
而不然
此後汪
用事而
濫不可
言矣

嘉靖初又
着科道查
勘已占過
四十頃數
年後又不
知占過幾
許矣官府
二體何以
異焉

迎駕奪門陞者因紛然人訴不已李賢言于上曰
自石亨輩此舉後人以得富貴之易貪利者惟幸有事
宜早治之且請復于謙等官以雪幽枉上是之即令
兵部按其以迎駕奪門陞者自太平戾而下俱奪爵
於是冒功者盡革而入懇者始息○以順義縣安樂里
板橋村原抄沒太監吉祥地一所撥為官中莊田其
原額一千頃十三畝初吉祥占過軍民地二十四頃八
十七畝共三十五頃皇莊之立始此○時有建言請
以天縱二字加號孔子給事中張寧言孔子道大德尊
所貴明其理以行其道被之天下傳之後世不在於號

求勝于一名一字可得而輕重也。議遂寢。○擢真武府東鹿縣知縣。盛願爲邵武府知府。願爲御史。以言石亨謫知東鹿縣。豪士聞其名相戒曰。是嘗劾石總兵者。其人不可犯也。願至。變擗擊爲撫循。吏畏而民安之。未幾丁內艱。去。民留之不可。俟其服闋。相率詣闕。乞得願再任。不復用刑罰。有爭訟者。諭之以理。卽叩頭聽受。不復辯。鄰邑訟多年不決者。各來請判。願折之以片言。各心服而去。時人有清如水。明如鏡之謠。邑介保真二府間。四境之民。雖非所治。亦聞風趨赴。郊外有荒落地。自然聚以成市。邑人目爲清官店焉。後歷陞左副都御史。

憲宗紀皇帝紀

帝英宗長子

周太后所生初立為皇太子英宗北狩

帝方二歲主少國疑

邸王監國輔政未幾即真改封

帝為沂王

英宗再位復立為太子

英宗崩帝即位

在位二十三年壽四十上徽號曰繼天凝道

誠明仁敬崇文肅武宏德至孝純皇帝廟號

憲宗

差

乙酉成化元年正月詔釋戍邊陳循江淵俞士悅等還

鄉王文之子宗葵于謙之子冕謙之婿朱驥等並放還

仍給還家產冕自龍門所即上疏訟父謙之冤上問

之追復謙故秩遣行人馬璇往祭其墓復冕世襲千戶

冕後奏換文階累官至應天府尹

按王宗葵後第進士官至尚書亦

奏雪其父文之冤復官賜諡焉

召王荦爲兵部尚書李秉爲左都御史先是兵部以左
都鈇給事中張寧等欲上疏乞起秉爲兵部茲掌都察
院恐左右有間密以奏章請教于內閣李賢且求調護
賢視章哂之謂寧曰薦人但當言其可用若預擬其官
於事體得無碍乎寧深服之乃退而易草以進翌日
御批茲爲兵部秉掌院事

二月行耕籍田禮田在山川壇之南上是日率百官
祀先農畢釋祭服乘耒三推戶部尚書馬昂捧青箱後
隨京府耆老二人馭牛二人曲躬按犁轅教坊樂工執
絲旗夾隴謳歌一唱百和屬旗而行上秉耒三往三

返如儀既畢乃坐觀三公九卿助耕公五推卿九推各

用耆老一人傍犁而行耕推畢教坊向前呈應用田家

典故觀畢賜宴而回○時 皇太后壽誕建設壽醴禮

部尚書姚夔歛會大臣收買炷香相率詣寺觀行禮祈

福給事中張寧上言 皇上表揚孝心慰悅 聖慈無

所不用其極人臣當和衷敬德仰贊 聖孝以綏懿祉

釋老不當崇奉辦香非可祈祝行之祇壞風俗傷名教

不報

張寧為給事中遇事敢言章曰數上每有大議 皇

帝必問張給事中云何 英廟復位尤所眷注 嘗

召寧議事每對廷臣獨真給事中晚年欲大用之會

宴 駕不果出為知府太監單苞素重之邀與相結

此者景泰
間諷官第
一寧所江
海軍人此
等議論所
不入于休
佛之耳

尚書姚萇請公亦勸其
行率不往其介如此

天雨黑黍于襄陽地震屋宇搖動霹靂有聲○彗星見

西北長三丈餘三閱月乃沒○擢河南府布政使王恕

爲右副都御史撫治南陽諸府恕知揚州有惠政屢辨

疑獄歲飢發廩不俟報民刊石頌德滿九載超遷江西

右布政使改河南擢今職○兩廣蠻寇作亂命都督俞

事趙輔爲征夷將軍總兵討之起韓雍爲左僉都御史

贊理征夷軍務廣西大藤峽蠻賊侯大狗亂甚蔓延廣

東雷廉高聲韶州諸地方所至殘破朝議大發兵往征

時兵部尚書王竑薦二人素有才畧可任大事聞外之

皇明法傳錄卷二十二

大藤峽蠻
作亂

君得其人

事一以任雍

三月 上幸太學行釋奠先師禮

直道不令
于時正士
不究其用
可情

大達賢用
也亦為憐
忌報復之
事乎

四月以都給事張寧為汀州府知府修撰岳正為興化府知府先是南京給事中王徽等彈劾內閣李賢不職獲罪俱逮請寧會六科申救忤賢復有忌岳正者偽為正劾賢疏草賢亦銜之會兵部清黃官缺尚書王茲偕部院大臣合薦寧堪任僉都正堪任兵部侍郎賢乃假歷練之說票旨各陞知府時論譁然為之不平後正得補知興化府尋厭吏職引疾致仕卒于家先是有自京師來者傳天語下甘肅曰岳正倒好只是大膽或以為賀

正正、渠括其辭、題于寫真之像、贊曰、岳正雖然好、只是大膽、惟帝念哉、必當有感、如或故汝、再敢不敢、臣聞古人之言、蓋將之久而靡憾也。

潘源清處之青田人、與岳季方同游太學、相友善、源清未仕卒、其子辰幼孤、流落京師、岳季方遇陳內翰、見其友季思誠、李方悖視、久之云、是吾故友潘源清、應真也、翌日、再訪、令工寫真、以子辰曰、此汝父遺容、命拜之、辰不識、持歸示其母、其母涕泣藏焉、此亦衣冠中一異事。

劉千斤作

襄陽流民劉千斤、聚襄鄧山中、萬人作亂、錦衣衛千戶王英奉使河南、憂之、疏言、宜選良吏、賑恤、漸圖所以散遣之策、願占籍者聽、盜礦者宜絕、禁民交通、勢自不可久、不報、後、副使鄧本端追訟英之先見、謂一言可當十萬。

比于茂陵徐福

之師比于茂陵徐福

五月兵部尚書王竑乞致仕許之竑薦岳正張寧忤當
事意內批出二人知外郡竑遂以疾辭歸

竑河州人性剛毅少豪傑尚氣概義所當爲嘗往直
前生長西鄆有志功名居言路見事不平者輒爲直
腕自延擊馬順後所至令行禁止人望而畏之日此
種馬順者號名自是滿天下家居二十餘年至成化
末方卒
謚莊毅

秋虜寇延綏巡撫陝西都御史項忠寧遠伯任璘與巡
撫延綏都御史盧祥合兵禦之虜賊敗引去

十二月改庶吉士許禮觀政刑部正統以來庶吉士典
學士官二員于玉河橋翰林公署教習與 祖宗時文

上不以儲
才蓄德爲
教而下亦
以教事應
之人才何
由造就

華堂文淵閣舊規不同。惟撥給燈油筆墨及酒飯等項耳。內閣按月考試詩文。以爲去留之地。多稱病不往。將及三年。則紛求解館。不復以進修爲事。至是庶吉士入內閣。請解館。李賢曰。賢輩教養未久。奈何遽欲入仕。許禮抗聲曰。今日比未樂時。何等教養。且老先生從何處教養來。賢稍責之。則曰。吾輩教習。雖例該三年。已燒却一年矣。謂癸未春間災故也。賢怒甚。明日請旨。各授職罷。禮觀政刑部。尋授南京刑部主事。

弘治中。學士李東陽程敏政之教庶吉士。至院閣會簿。悉注病數而去。乃賦一絕云。題廊寂寂鎖春居。白日都消病曆餘。竊食大官無寸補。絲陰亭上動醫書。嗚呼。天下事。反得廢弛權輿之樂。豈獨此。

此陝西土
兵之始即
常共千集
之也

軍無遠成
之勢官無
替兵之費
行之數年
可使兵強
而財富

丙戌成化二年延綏守臣僉都御史盧祥等言營堡兵
少而延安慶陽府州縣邊民多曉勇習見胡虜敢為戰
關若選作上兵練習調用必能奮力各護其家有不待
驅使者兵部奏請勅御史往會官點選編成什伍號為
土兵原點民壯亦改此名行以優恤之法時得丁莊正
千餘名委官訓練聽調

盧祥廣東東莞人在延綏三年嚴武備肅
紀綱明賞罰毛里孩連年入寇皆却之

二月大學士李賢丁父憂詔奪情起復賢乞終制不許
命太監林興護送還鄉視塋○會試天下舉人以太常
少卿兼侍讀學士劉定之學士萬安為考試官取章懋

等三百五十人

三月廷試賜羅倫程敏政陸簡等進士及第出身有差
時廷試吏部尚書王恕以程敏政卷字畫精楷擢爲第
一李賢曰論文不論書卒取羅倫爲首生平嗜學好古
篤志尚行廷對之策綏綏萬言中引程正公言人主一
日之間接賢士大夫之時多親宦官官妾之時少執政
欲截去下句羅不從直聲震于時遂奏名第一○太監
劉永成以軍功議封爲伯彭時力爭之或曰中官古有
封侯王者時曰此豈盛世事邪祖宗成憲具在誰敢
違之事遂寢○江淮旱人相食命右副都御史林聰往

如此宰相
方有擔當

兩廣平

合則力完
分則勢雄
表其所主
張得其要

此撫聰奏借江南糧及支運糧儲數十萬給民食且與之種○都督趙輔僉都御史韓雍等討廣西蠻寇大破之兩廣地方悉平先是輔等受命會同監督軍務太監盧未陳瑄遊擊將軍和勇率大軍至南京衆議欲分江西軍及達官從遊擊由庾嶺入廣東大軍則從潮廣入廣西以賊在廣東宜逐之在廣西宜困之雍奮曰不然古仗鉞臨戎制閭外謂利國家得專之也夫兵有合爲正分爲奇者二廣地鮮完郡大藤峽爲賊本根諸軍不先得其本迺分兵以趨末分兵勢弱趨末難盡苟全師至彼南可以攻大藤援高廉雷泉東可以應南部西可以

取柳慶北。可以斷陽。嶠諸路。勢若常山蛇。首尾互應。彼分而拒。我聚而攻。志曰。先人有奪人之心。茲行也。必勝。我奪之矣。遂行。會趙輔。輔知雍才軍事。一聽雍。於是督大兵。分道進擊賊。剗修仁。荔浦。抵大藤峽。道有儒生。里老數十餘人。跪持香曰。我輩苦賊久矣。其敢自拔。今幸遇天兵。得生爲良民。荷甚願。先三軍鋒。雍大怒。顧左右叱曰。此皆賊耳。縛斬之。左右初亦疑。何乃殺良民哉。旣縛而執。中利刃。山遁。知問也。悉斷頸。散手足。剗腸胃。分挂菁棘中。累累相屬。賊大驚沮。曰。韓公天威也。賊悉力出。我復分兵撓我。俱不支。覆其巢穴。其中盤亘數百里。

未也其
樂而破之
者

為將第一
要領

秋舟以資
諸騎兵破
僕智勇
殺亦即此
意公周我
長以破其
近兵家之
要策也

卷之二十二

山間險阻有崖名九層樓尤為峻險官軍直抵其上磨
崖紀歲月而還遂易峽名斷藤以志武功乃遣將四出
雷廉高肇諸寇以次削平自此蠻夷畏備兩廣浸安雍
等之力也雍性剛果主斷無疑賞罰明信號令嚴肅故
兵出有功

韓雍征蠻奏調建官達軍千餘名專命都督會事一
員領之兩廣信備出入山林利用鑲給牌刀諸短兵
不能當騎射故達軍所向輒靡賊畏之乃奏督調撥
自給庫銀下程張萬千冬夏衣糧子孫承許承襲分
撥兩廣土城及雷廉神電各衛安插官給管厝伴當
田租至今其遺種聚處不無殘悍難馴之患亦在乎
有司責善駕
馭之而已

論平蠻功封趙輔武靖伯擢韓雍左副都御史提督兩

先是大臣
運長等情
者比比天
願中給事
潘敬承
仲并爲令
後雖聞有
無復聞特
之則則
公一死之
乃也

廣軍務兼理巡撫仍應一子錦衣衛所鎮撫餘陞賞有
差

五月李賢還京復上疏乞終喪不允遂復入閣視事○
謫修撰羅倫爲福建市舶司副提舉時倫上疏請許李
賢終制歷陳古今起復之非反覆數千言辭甚切直倫
復詣賢私第告以不可賢怒力辭內批降倫提舉御史
陳選等交章乞留不報編修尹直引文彥博待唐介故
事請賢留倫賢曰潞公市恩歸怨朝廷吾不可襲倫
雖貶士論益榮之○陞廣東新會丞陶魯爲知縣尋陞
同知按察司副使右布政魯父成爲按察副使從擊賊

且任不辭
不負自許

兵敗歟之。主上旌成事者，贈官錄一子入官監，魯補焉。二十授廣東新會丞，魯機明內蘊而神觀不足，或從令尉列見上官，獨昏睡，雖督榜不恤也。大藤峽諸賊亂，兩廣都御史韓雍總師討之，檄魯隸麾下。雍威嚴凝王者，二司長吏見長跪白事，惴惴若不自勝。一日顧賊最強險難下者，方設策。魯時直膳侍左右，謾謂曰：「丞揣我何意？」魯曰：「得非爲井賊邪？」雍曰：「然，丞能往否？」曰：「匪直能，且易耳。」雍怒曰：「賊銳甚，又搯阻自衛，非大兵不可。」人部下文武數百千人，熟視無可當吾者，吾方欲身往，若空言易，且使若食果能之耳。最爾邑不能理，乃言。

擊賊。若妄言當管魯不拜。抗言曰。謂魯解食粟。不解擊賊者。明公未悉我也。蔣琬。龐統。糜竺。事矣。後乃爲蜀名臣。公幸毋棄魯。使得畢技。當悉縛諸醜以獻。雍異之。改容曰。若所將幾何。而辨曰。三百人足矣。曰。何少也。曰。魯猶以爲多也。兵貴精。請擇。雍曰。任。若爲之。魯乃標式約曰。有能力舉百鈞。矢射二百步者。來。三軍之士十五萬人。其比干武者。得二百五十人。曰。未也。請復下令募。募數日足。魯乃爲別將。自操練陣法。推牛酒犒。甘苦共之。士爭願爲。率以先登。大破賊。斬首無算。賊穴所得士女金帛。悉以分于三百人。已無與者。衆益奮。雍大稱賞。皆

鎮守官榜
得印縣其
卷圖可

王朝擺爲令累功進同知肇慶府事按察僉事副使進
左右布政使錄其後爲錦衣千戶魯前後任廣東所殺
及降者二萬七千餘賊聞陶家軍駭慄道避不及遇卽
叩首乞爲良民得無死幸甚然此三百人耳服其心累
用不贖語有之一夫決萬夫避況三百人乎○鎮守廣
西左府都督遇興召還道經湖廣祈陽縣志知縣李翰
接應夫船不時令子得隆率部卒搜翰及其子釗傍接
俱成典亦以疾卒于途翰妻入懇于朝事下法可得隆
伏罪得隆母擊登聞鼓稱冤上以其妄愆命卽誅之
十二月丙子曉刻金星犯錢閉星○襄陽賊首劉千斤

劉子平僭號于南漳。命武寧伯朱永尚書白圭督兵討平之時。千斤以石和尚爲謀主。劉長子苗龍苗虎等爲羽翼。每戰輒勝。遂僭稱帝號。勢甚猖獗。事聞。命永爲平虜將軍。總兩京及諸路兵討之。以圭提督軍務。至南漳湖廣總兵都督李震帥土兵來會。永有疾。圭督震分道進攻。一鼓摧其前鋒。賊退保寨柵。官軍乘勝攻破之。擒千斤并苗龍等。劉長子石和尚脫走。深入懸穴已而求痊。領兵破其巢穴。斬首九百餘級。指揮張英招降劉長子。誘執石和尚出詣軍前。賊遂潰敗。又戰于古路山。斬首萬餘級。獲賊將劉聰等百餘人而還。旣而諸將爭功忌張英。

諸大將謂其多獲賊賄極殺之班師論功未進封侯
震封典寧伯加圭太子太保

秋北虜毛里孩大寇延慶等處都御史項忠盧祥與彭
武伯楊信嚴兵禦之虜引去時虜住牧河套秋冬則舉
衆爲寇春夏則潛退套中歲以爲常遠近軍民大被搶
掠阿羅出復勾引小王子滿都魯及能思蘭聚衆益爲
邊患朝廷添調京管及大同宣府寧夏甘涼陝西護
衛軍馬數萬頒給銀兩起倩陝西山西河南軍民或借
運或借撥或糴買或預徵或開中或採打多方整理糧
草軍民困苦不可勝言

敬軒賢相

十二月大學士李賢卒贈太師謚文達

國朝自三楊後得君之專者無如李太達時召入文淵有所咨詢言無不從隨事敘正但其怒張寧而擠之出憾羅倫而貶之外于休休有容之度何如况赴闕五六月後入閣而便告終何如在家守制終不失令名也

命太常少卿兼侍讀學士劉定之入閣參預機務○延綏紀功兵部郎中楊琰奏延綏慶陽二境東接偏頭關西至寧夏花馬池相去二千餘里營堡迂疎兵備稀少以致河套達賊屢爲邊患近有百戶朱長年七十餘自幼熟游河套親與臣言套內地廣田腴亦有鹽池海子葭州等民多出墩外種食正統間有寧夏副總兵黃鑑

欲偏頭關東勝關黃河西岸其名一顆樹起至榆溝
速迷都六鎮沙河海子山欠石腦兒沙河海子則回基
紅鹽池百眼井甜水井黃沙溝至寧夏黑山人馬營等
處共立十三城堡七十三整臺東西七百餘里實與偏
頭關寧夏相接惟隔一黃河耳當時議者以爲地土平
漫難據已之後總兵官石亨又奏欲將延綏一路營堡
移徙直道是雖不免暫勞一時軍民之力實爲萬世防
邊之長策也 上曰楊瑄所奏移堡防邊甚其證據其
言有理○兵部卽會官議以聞